



ÅRSMELDING 2017

LUSTER FRIVILLIGSENTRAL



Luster Frivilligsentral
Postadr.: Postboks 26, 6866 Gaupne
Tel.: 45 66 59 54
E-post: post@luster.frivilligsentral.no
Kontor: Grandmo Lagshus,
Grandmo 19, Gaupne

Innleiing.

Styret i Luster Frivilligsentral (LFS) kan melde om nokre nye aktivitetar og aukande engasjement som frivillig. Ved årsslutt driv sentralen fleire ulike aktivitetar ut mot ei brei målgruppe. Styret har hatt 8 styremøter og 63 handsama saker.

Eigarar av sentralen er i dag LHL Luster, NFU lokallaget Luster, IOGT i Norge, Luster revmatikarforening, koret LaJoMa og Luster kommune.

Styret i 2017 har vore samansett slik:

Jostein Melheim (LHL), leiar

John Olaf Røhme (Luster kommune), nestleiar

Olav Moe (NFU), styremedlem

Helga Julie Kvitle (LaJoMa), styremedlem

Berit Heltne (Revmatikarforening), styremedlem

Hermann Odd Stein, 1.varamedlem (fast møtande)

Jarle Skartun, 2.varamedlem

Jorunn Grete Ugulen, 3.varamedlem

Aktivitetar og prosjekt i 2017.

Me'n'u – lågterskeltilbod for ungdom.

Styret i LFS, Luster kommune og ungdomsgruppa har underteikna ein partnerskapsavtale om vidare drift. Dagleg leiar ved LFS, ungdomsstyret og Luster kommune utgjer styringsgruppa i Me'n'u . Frekvensen på aktivitetar er endra til 6 arrangement pr. år. Me'n'u har sagt opp avtalen med å leige «Stallen» i Soltun.

Det blir satsa vidare på større arrangement i kommunen som t.d. kveldsope skitrekk, open hall, Fjordstova osv.

Partnarskapsavtalen har blitt evaluert 2 gonger i 2017.

Hausten brukte ungdomstyret til å rekruttere inn nye medlemmar, dvs. 2 frå 8.klasse og 2 frå 9.klasse. Ungdomsstyret består i dag av 11 elevar frå Luster ungdomsskule, alle er gutter. Frå hausten sluttar 7 av ungdomane då dei byrjar på vidaregåande skule.

Me'n'u har igjen blitt eit meir populært tilbod hjå ungdomane. På dei fleste arrangementa har det vore 60-70 ungdomar innom. På arrangement som open hall der det er behov for dommarar har det blitt innleidt eldre ungdomar til å ivareta desse oppgåvane. Ungdomane har fått betalt for dette.

I 2017 har det også vore prøvd ut eit samarbeid med Luster ungdomsskule i samband med elevkveldar. I april var det ungdomsfest på Soltun med innleidt band «Rørekollane» og i november vart det kombinert Me'n'u/elevkveld med salg/bytte av juleballkjolar/dressar. Erfaringane til dette er udeltn positive.

Etter søknad fekk Me'n'u tildelt kr. 10.000 frå organisasjonen Ungdom & Fritid. Pengane skulle nyttast til kurs i laussnøkøyring ved Sogn skisenter. Dessverre vart vinteren därleg og pengane ikkje nytta. Etter søknad fekk ein omdisponere pengane og ungdomane gjekk til innkjøp av Ipad og betalingsautomat iZettle.

Frivilligskulen.

Det har ikkje vore aktivitet i frivilligskulen i 2017.

Kvikkhjelpa – prosjekt «Trygg vinter».

I 2016 hadde prosjektet ingen etterspurnad. I 2017 har det heller ikkje vore etterspurnad etter strøing og måking av snø. Prosjektet vil derfor bli avvikla.

Seniordata og «seniornettklubb».

Det er i dag ingen aktiv seniornettklubb i Luster.

I haust tok LFS kontakt med Luster pensjonistlag for samarbeid om oppstart datakurs.

Det vart gjennomført 2 dagar med datakurs i september. Kurset hadde fokus på bruk av pc/Ipad, internett og e-post. Det vart innleigd kurshaldar med erfaring frå datakurs for pensjonistar.

På begge kursa var det god påmelding, både medlemar og ikkje-medlemar av pensjonistlaget.

Vidare vart det starta opp ein datacafè, 1.onsdag i månaden på biblioteket, Pyramiden senter. Dette i samarbeid med LFS, Luster pensjonistlag og biblioteket. Innhaldet på datacafèen blir styrt ut frå ynskjer frå dei frammøtte. Luster pensjonistlag har ansvar for gjennomføring av kafèen. LFS har ansvar for publisering av datacafè.

Sommaraktivitet for ungar – FriMoro.

LFS har vore ein av samarbeidspartnerane i det populære tilbodet FriMoro i juni dei siste åra.

Folkehelsetenesta i Indre Sogn samarbeider med fleire lag og organisasjoner om å arrangere dette tiltaket, som byr på ei rekke friluftsaktivitetar. Arenaen er Parken i Gaupne, og om lag 80 ungar frå 4-7 klasse fekk eit par fine aktivitetsdagar i år.

I år har frivilligsentralen via tildelte prosjektmidlar gått til innkjøp av eit nytt sup-brett til FriMoro.

Dagtilbod for eldre heimebuande/seniortreff.

I samarbeid med Luster kommune driftar LFS eit dagtilbod for eldre heimebuande. I 2016 vart det søkt om økonomiske midlar frå Helsedirektoratet for å vidareføre tilbodet. Søknaden om midlar vart avslått.

Dagtilboden for eldre heimebuande måtte frå hausten.17 flytte frå Grandmo lagshus til aktivitetsstova ved Gaupne omsorgssenter. Årsaka til dette var knytta opp til oppstart av Luster vaksenopplæring.

Dagtilboden skifta frå hausten namn til «Seniortreff». I januar.17 vart det søkt om økonomiske midlar frå Helsedirektoratet, men fekk avslag.

Seniortreffet, som er annakvar veke, blir no drifta av Luster frivilligsentral og Luster kommune. Frå hausten.17 har det vore eit samarbeid mellom frivilligsentralen og Luster ungdomsskule og elevar ved «Arbeidslivsfaget». Elevane har hatt ansvar for underhaldning ved fleire seniortreff. Møte mellom generasjonar er spennande og ei nyttig erfaring å ta med seg.

Prosjektet «Sykling utan alder».

Våren 2016 starta organisasjonen Lions opp eit sykkelprosjekt retta mot eldre menneske. Lions samla inn pengar til innkjøp av 3 elektriske syklar med hjelpemotor, som vart overrekt til dei 3 sjukeheimane i Luster kommune. LFS er eigara av syklane og ansvarleg for vidare drift framover. Også i år har Lions jobba målretta med å tilby opplæring til frivillige og tilsette ved omsorgssentra. I dag er det om lag 40 personar som er godkjende pilotar.

Målsetjinga i 2017 var å arrangere felles sykkelturar på dei ulike omsorgssentra. Dessverre vart ikkje dette gjennomført grunna mykje ustabilt sommarvær.

iNNi Luster 2017 (informasjon – nettverksbygging – naboskap – integrering).

LFS held fram med ymse tiltak for målgruppa flyktningar som er busette i kommunen.

- Luster frivilligsentral tilbyr leksehjelp 1 dag pr.veke til elevar som går på vidaregåande skule.
- I februar var det eit samarbeid med Barnas Turlag knytta opp mot den nasjonale «Kom deg ut-dagen». Arrangementet var lagt til Sogn skisenter på Heggmyrane.

- I samarbeid med Luster turlag/Barnas turlag vart det arrangert ein temakveld om friluftsliv og turutstyr. Temakvelden var særskilt retta mot flyktningar. Her fekk dei informasjon om turutstyr og korleis det skal nyttast. Kvelden vart avslutta med felles kveldsmåltid.
- Nokre av flyktningane vart med TilTopps-arrangementet i Lom som deltararar på Røde Kors sitt opplegg i Sogndal. Det var fleire flyktningar som ynskte å delta, men dessverre var det ikkje plass til alle på arrangementet.
- FN-dagen 24. okt. vart markert på Pyramiden senter i samarbeid med elevar v/Luster vaksenopplæring og Luster Folkeakademi. Mat frå ulike nasjonalitetar og musikk stod på programmet.
- Internasjonal dag vart gjennomført 1.nov. i Gaupne Idrettshall. Eit nytt samarbeidsprosjekt mellom Gaupne skule, Luster ungdomsskule, Gaupne barnehage, NAV Luster, Luster vaksenopplæring og Luster frivilligsentral. Målsetjinga med arrangementet var å få fram det fleirkulturelle samfunnet i Luster og fokusere på integrering som eit felles ansvar for oss alle. Det lokale organisasjonsliv vart invitert til å stå stand denne dagen. Også lokalt næringsliv vart førespurt å støtte arrangementet økonomisk.

FRAM i Luster.

Dette prosjektet starta opp i 2015. Føremålet med prosjektet er å bidra til at sosialt og økonomisk vanskelegstilte kan få relevant informasjon og assistanse til å bli betre inkludert innanfor spesifiserte samfunnsarenaer og i arbeidslivet, slik at dei kan oppnå betre livskvalitet og ein tryggare økonomisk livssituasjon. Det blir også lagt sterkt fokus på utanforskap. Målsetjinga er difor langsiktig.

Flyktninggruppa er definert som ei viktig målgruppe i prosjektet, særleg personar og familiar som er i ein sårbar situasjon. Me har lagt vekt på å skape gode tiltak for barnefamiliar, slik at born i flyktningfamiliar kan få hove til å bli med på aktivitetar som er vanlege for norske born.

- A) Hausten 16 vart det starta opp eit samarbeid med elevar ved Luster ungdomsskule som har valfaget «Innsats for andre». Målsetjinga var å starte opp ein gjenbruksentral/brukbutikk i yrkesskulebygget i sentrum av Gaupne. Målgruppa var ikkje kun flyktningar, men alle innbyggjarar i Luster kommune som kunne ha nytte av eit slikt tilbod. Hausten vart nytta til rydding og vask av lokale. Etterkvart vart det mottak av klede, gjenstandar og møblar. Den offisielle opninga skjedde i febr. 2017. Ved oppstart var det stort fokus på gjenbruk og dei fleste gjenstandane vart gitt vekk gratis. Erfaringsmessig viste det seg at tilbodet vart utnytta og nokre få personar tømte sentralen for store mengder klede og gjenstandar. Ved flytting til nye lokaler hausten 17 vart gjenbruksentralen endra frå å vere gratis butikk til å stort sett bli ein brukbutikk der varene var prisa.
- B) «Eineståande familiar» er eit av dei sentrale delprosjekta i «FRAM I Luster». I dag er det ei lita gruppe med familiar som deltek på aktivitetane. Frå hausten.17 har det vore jobba målretta med å informere om tilbodet på skular/barnehagar. Aktivitetar i 2017 har vore kino, teater, Lustrabadet, Sogn skisenter, restaurant, friluftsaktivitetar m/natursti, julekonsert osv. I dag er det ei eiga styringsgruppe som har ansvaret for aktiviteten i «Eineståande familiar Luster». Det er IOGT i Norge som er prosjekteigar for «Eineståande familiar» og syter for økonomisk tilskot til aktivitetane.
- C) «Kvinnegruppa» vart starta opp som eit tilbod til flyktningkvinner som var heime etter barnefødsel eller på grunn av sjukdom/skade. I denne situasjonen hadde dei ikkje noko tilbod om norskopplæring. Frå hausten.17 har ikkje kvinnegruppa vore i drift grunna

manglande kvinner i målgruppa. Gruppa vil bli vurdert starta opp dersom behovet endrar seg.

- D) Opning av Luster utstyrssentral våren 2017. Ein open utstyrssentral der alle skal ha moglegheit til å leige utstyr til ein billeg penge. Ved utstyrssentralen er det grunnleggjande turutstyr. Etter søknad fekk Luster Frivilligsentral tildelt kr. 10.000 til innkjøp av skiuutstyr til utstyrssentralen. Innkjøp vil skje i jan.18.
- E) Eit nytt samarbeidsprosjekt «juleglede i Luster» kom i stand i slutten av nov. Samarbeidspartnalarar her er Luster Røde Kors, NAV Luster, Gaupne helselag, Luster Lions, Pyramiden og Luster kommune v/helsestasjonen. Målsetjinga med prosjektet var å gjere ein forskjell for dei familiene som opplever julehøgtida som vanskeleg. Her kunne foreldre velge mellom personlege gåver til barna eller ei familiepakke med matvarer/julekos.

Luster vaksenopplæring og undervisning:

Luster frivilligsentral har frå hausten.17 hatt ansvar for innhaldet i undervisninga kvar onsdag mellom kl. 13.00 – 15.00. Målsetjinga var å invitere lag/organisasjonar til å kome innom og presentere organisasjonen og kva behov dei måtte ha av event. frivillige. Erfaringsmessig har dette fungert lite tilfredsstilende då det er vanskeleg å få representantar frå lag/organisasjonar til å kome på dagtid. Som ei alternativ løysning har dagleg leiar hatt ansvar for å fylle desse timane med fagleg og praktisk innhald.

Samarbeid med NAV Luster:

I 2017 har Luster frivilligsentral hatt 3 personar i arbeidspraksis. Alle 3 fortsetjer utover i 2018.

Prosjekt «Førebyggjande tenester»:

Dagleg leiar har frå april.17 delteke i ei prosjektgruppe knytta opp mot styrking av habilitering og rehabilitering i kommunane. Prosjektet er ikkje avslutta.

Barnefattigdomsprosjekt:

Dagleg leiar har frå april.17 delteke i prosjektgruppe rundt barnefattigdom. Prosjektet er ikkje avslutta.

Prosjekt «Saman om barn i Luster»:

Dagleg leiar har frå des.17 delteke i nyoppstarta prosjektgruppe. Målsetjing er å utarbeide ein modell for korleis me skal arbeide med barn og deira familiar.

Fokus på samarbeid med lag/organisasjonar.

Det må også nemnast at det i heile 2017 har vore jobba målretta med å få ein betre dialog med andre lag/organisasjonar i kommunen.

Eit samarbeid med LHL Luster, Luster Revmatikarforening, Gaupne helselag og lokallaget NFU er i gang med målsetjing om å få på plass ei boccibane ved Grandmo lagshus. Det vart det søkt om prosjektmidlar via Extrastiftelsen, men fekk dessverre avslag. Ny søknad vart sendt lokalt til Luster Sparebank. Banken tildelte prosjektet kr. 100.000 med vilkår om å vere einesponsor. Grunnarbeidet til boccibana vart gjennomført hausten.17. Bana vil bli ferdigstilt våren 2018.

Eit samarbeid om kartlegging av aktivitetar for eldre/seniorar starta opp i nov.17. Her deltek Gaupne helselag, Jostedal helselag, LHL Luster, Luster Røde kors og besøkstenesta, Luster revmatikarlag og Luster frivilligsentral.

2017 vart avslutta med eit samarbeid med Gaupne skule og ungdomskorps, Gaupne bygdalag og Luster frivilligsentral. Målsetjinga var å ta opp att gamle tradisjonar med julefest på ungdomshuset(Soltun). Det var også eit ynskje om å inkludere våre nye landsmenn i norske juletradisjonar. I planleggingsfasen var elevar v/Luster vaksenopplæring med og pynta ungdomshuset til fest og pakka «nisseposer» til barna.

Økonomi og drift.

Årsrekneskapen er avslutta med eit overskot på kr. 104.261.

Driftstilskotet frå Luster kommune var i 2017 på kr. 595 000.

Refusjon for mva. dette året var kr. 37 587.

Revisjonen er utført av Ole Jan Sønnesyn og Ivar Birger Kjørlaug Larsen.

Etter rekneskapsåret sin utgang har det ikkje skjedd forhold som har innverknad på vurdering av sentralen sin økonomi. Styret er av den oppfatning at årsmelding og årsrekneskap gjev eit fullgodt bilet av verksemda sitt resultat, utvikling og økonomiske stilling.

Styret har hatt ein person tilsett på fulltid i 2017. Styret vurderer arbeidsmiljøet til å vere godt. Det har ikkje skjedd skadar eller ulukker i samband med utprøvinga av verksemda, og det har ikkje vore sjukefråvær i 2017. Det er ikkje sett i verk spesielle tiltak i 2017 knytt til arbeidsmiljøet. Styret er ikkje kjend med at det har vore forskjellsbehandling i strid med lov om likestilling mellom kjønna. Likestilling i verksemda er vurdert som tilfredsstillande.

Verksemda medfører ikkje skadar på det ytre miljøet.


Evaluering.


Også i 2017 har aktivitetane vore prega av engasjement for dei flyktningane som kommunen tek i mot. Det gjeld både konkrete aktivitetar under prosjektet FRAM i Luster, prosjektet iNNi Luster «Friluftsliv» og leksehjelp for elevar i vidaregåande skule.


Det må også understrekast at frivilligsentralen har arbeida målretta mot nye aktivitetar retta mot ulike målgrupper og 2017 viser resultat av dette arbeidet.


Endring i leiing medførte også behov for nye frivillige. Det er svært tilfredsstillande og positivt å sjå at fleire frivillige ynskjer å delta/støtte vårt arbeid.


Gaupne, 23. februar 2018



Jostein Melheim, leiar


Olav Moe, styremedlem


Berit Heltne, styremedlem


John Olaf Røhme, nestleiar


Helga Julie Kvitle, styremedlem


Anita Kjørlaug, dagleg leiar